



অতিরিক্ত সংখ্যা
কর্তৃপক্ষ কর্তৃক প্রকাশিত

মঙ্গলবার, নভেম্বর ১৯, ২০০২

গণপ্রজাতন্ত্রী বাংলাদেশ সরকার
বাণিজ্য মন্ত্রণালয়
আদেশ

তারিখ, ওরা অগ্রহায়ণ ১৪০৯/১৭ই নভেম্বর ২০০২

এস, আর, ও নং ৩১৯-আইন/২০০২—Imports and Exports (Control) Act, 1950 (XXXIX of 1950) এর section 3 এর Sub-section 3(1) এ প্রদত্ত ক্ষমতাবলে সরকার, আমদানি নীতি আদেশ, ১৯৯৭—২০০২ এর নিম্নরূপ অধিকতর সংশোধন করিল, যথা :—

উপরি-উক্ত আদেশ এর পরিশিষ্ট-১ এর (খ) অংশে উল্লিখিত শর্তযুক্ত আমদানিযোগ্য পণ্যের তালিকার শিরোনামাধীন কলাম-১ এ উল্লিখিত এইচ এস হেডিং নং ৮৫.২৬ এবং উহার বিপরীতে উল্লিখিত এন্ট্রিসমূহের পর নিম্নরূপ নতুন এইচ এস হেডিং নং এবং এন্ট্রিসমূহ সন্নিবেশিত হইবে, যথা :—

৮৭.০১	সকল	১৬৪৯	সিসি পর্যন্ত
৮৭.০২	এইচ	মোটর কার এবং ফে	
৮৭.০৩	এস	কোন সিসি এর	
৮৭.০৪	কোড	মাইক্রোবাস, মিনি বাস, জীপসহ অন্যান্য পুরাতন যানবাহন এবং ট্রাক্টর।	

- (ক) জাহাজীকরণ করার ক্ষেত্রে কোন যানবাহনই চার বছরের অধিক পুরাতন হইবে না;
- (খ) যে দেশে গাড়ী তৈরী হইয়াছে কেবলমাত্র সেই দেশ (কান্ট্রি অব অরিজিন) হইতে পুরাতন গাড়ী আমদানি করা যাইবে এবং তৃতীয় কোন দেশের মাধ্যমে পুরাতন গাড়ী আমদানি করা যাইবে না;
- (গ) জাপান হইতে পুরাতন গাড়ী আমদানির ক্ষেত্রে জাপান অটো এ্যাসোসিয়েশন ইনস্টিটিউট (JAAI) এবং অন্যান্য দেশে তৈরী পুরাতন গাড়ী আমদানির ক্ষেত্রে সংশ্লিষ্ট দেশের স্বীকৃত অটোমোবাইল এসোসিয়েশন কর্তৃক গাড়ীর বয়স, মডেল নম্বর এবং চেসিস নম্বর উল্লেখ সম্বলিত প্রত্যয়নপত্র গুন্ডায়ন পর্যায়ে দাখিল করিতে হইবে;

- (ঘ) আমদানিকৃত পুরাতন গাড়ী তৈরীর তারিখ/বয়স নির্ধারণের ক্ষেত্রে গাড়ীর চেসিস তৈরীর তারিখের পরবর্তী বছরের প্রথম দিন হইতে গাড়ী তৈরীর তারিখ/বয়স গণনা শুরু করিতে হইবে;
- (ঙ) জাপান হইতে গাড়ী আমদানির ক্ষেত্রে জাপান অটোমোবাইল এসোসিয়েশন কর্তৃক প্রকাশিত চেসিস বুক পরীক্ষা করিয়া তৈরীর তারিখ নির্ধারিত হইবে;
- (চ) যে সকল দেশ হইতে চেসিস বুক প্রকাশিত হয় না সেই সকল দেশ হইতে গাড়ী আমদানির ক্ষেত্রে আন্তর্জাতিক খ্যাতিসম্পন্ন সার্ভেয়রের নিকট হইতে গাড়ী তৈরীর তারিখ/বয়স সম্পর্কে সার্টিফিকেট আমদানিকারককে উপস্থাপন করিতে হইবে;
- (ছ) পেট্রোল চালিত গাড়ীর ক্ষেত্রে ক্যাটলাইটিক কনভার্টার এবং ডিজেল চালিত গাড়ীর ক্ষেত্রে ডিজেল পার্টিকুলেট ফিল্টার সংযোজন সম্পর্কে পরিবেশ ও বন মন্ত্রণালয় কর্তৃক জারীকৃত এস, আর, ও নং-২৯ আইন/২০০২ তারিখ ১৬ ফেব্রুয়ারী ২০০২ মোতাবেক কার্যক্রম গ্রহণ করিতে হইবে;
- (জ) দফা (ক) হইতে দফা (ছ) তে উল্লিখিত শর্তাবলী সাপেক্ষে অনধিক ৪ (চার) বছরের পুরাতন মোটর গাড়ী ও ট্রাক্টর আমদানি করা যাইবে।”

২। ইহা ১৬ই আষাঢ়, ১৪০৯ বাংলা মোতাবেক ৩০শে জুন, ২০০২ ইংরেজী তারিখ হইতে কার্যকর হইয়াছে বলিয়া গণ্য হইবে।

রাষ্ট্রপতির আদেশক্রমে

মোঃ মোশাররফ হোসেন ভূইয়া
উপ-সচিব।